

Morning Dogri (NSD) National News Bulletin 03-12-2024

आकाशवाणी

- प्रधानमंत्री नरेन्द्र मोदी होर अज्ज चंडीगढ़ च 3 नमें अपराधिक कनूनें दी अमलावरी दी मजूदा स्थिति बारे राष्ट्र गी अवगत करांगन।
- राष्ट्रपति द्रौपदी मुर्मू होर अज्ज नमीं दिल्ली च अंतर्राष्ट्रीय दिव्यांगजन दिवस दे मौके पर 33 लोकें ते संस्थाएं गी दिव्यांग लोकें दे सशक्तिकरण च उंदे गैर मामूली योगदान लेई राष्ट्रीय पुरस्कार भेंट करगन।
- विदेश मंत्री डॉ. एस.जयशंकर होरें गलाया जे निवेश सनें सब्बने महत्वपूर्ण आर्थिक फैसलें गी राष्ट्रीय सुरक्षा दे नजरियै कन्नै दिक्खे जाने दी लोड़ ऐ।
- इस ब'रे अप्रैल थमां सितम्बर दे दरान देसे दे परतक्ख विदेशी निवेश एफडीआई च पिछले ब'रे दे मकाबले 45 प्रतिशत बाद्धा दर्ज कीता गेआ ऐ।
- खेड़ड मंत्री होरें आखेआ ऐ जे खेलो इंडिया योजना च 21 खेड़डें दे 2 जहार 781 एथलीटें गी "खेलो इंडिया समर्थ विकास कार्यक्रम" च शामिल कीता गेआ ऐ।
- मर्दे दे जूनियर एशिया कप प्रतियोगिता दे सैमीफाइनल च अज्ज भारत दा मकाबला मलेशिया कन्ने होग।

<><><><><><>

PM

प्रधानमंत्री नरेन्द्र मोदी होर अज्ज चंडीगढ़ च 3 नमें अपराधिक कनूनें दी अमलावरी दी मजूदा स्थिति बारे राष्ट्र गी अवगत करांगन। एह कनून भारतीय नागरिक सुरक्षा संहिता ते भारतीय साक्षय अधिनियम न। इस ब'रे 1 जुलाई थमां पूरे देश च लागू कीते गे। इनें कनूनें दा उद्देश्य न्याय प्रणाली गी होर मता पारदर्शी, कुशल ते सिमकालीन समाज दी जरूरते दे अनुकूल बनाना ऐ।

कार्यक्रम दा विषय ऐ—सजा थमां न्याय आले बदलाव दी पछोकड़ै च सुरक्षत ते विकसित भारत कार्यक्रम दरान नमें कनूनें दे व्यावहारिक पैहलुएं उप्पर बी लोह पाई जाग। एह्दे राएं एह स्पष्ट कीता जाग जे इनें कनूनें राएं अपराधिक न्याय च केह्ड़े बदलाव आए न।

<><><><><><>

President Awards

राष्ट्रपति द्रौपदी मुर्मू होर अज्ज नमीं दिल्ली च अंतराष्ट्रीय दिव्यांगजन दिवस 2024 दे मौके पर 33 लोकें ते संसीएं गी दिव्यांग लोकें दा सशक्तिकरण च गैर मामूली योगदान देने लेई राष्ट्रीय पुरस्कार भेंट करगंन। इस मौके पर समाजी न्याय मंत्री डॉ. विरेन्द्र कुमार होर दिव्यांगजने दे जीवन गी बेहतर बनाने लेई 16 नमियें पैहलकदमिं दी शुरूआत करगंन। इनें उपाएं च दिव्यांगजनें दा समावेशन ते उंदे लेई नवाचार ते प्रौद्योगिकी दा इस्तेमाल शामिल ऐ। इस कार्यक्रम दा मकसद सरकारी ते गैर सरकारी प्रतिनिधिं ते माहिरें ते बक्ख—बक्ख हित धारकें गी किट्टे करना ऐ तां जे ओ समाजी बदलाव ते समावेशी समाज दे निर्माण च योगदान देई सकन।

<><><><><><>

President-Odisha

राष्ट्रपति द्रौपदी मुर्मू होर अज्ज 5एं दिनें दी यात्रा उप्पर ओडिशा रवाना होंगन। राष्ट्रपति होर इस यात्रा दरान पंडित रघुनाथ मुर्मू उंदी मूर्ति उप्पर पर्दा गोआंडगन ते भुवनेश्वर च आदिम अवोर जरपा जहिर दा दौरा लांगन। ओह पुरी दे श्री जगननाथ मंदरै च पूजा अर्चना बी करगंन। राष्ट्रपति होर गोपबंध आर्युवेद महाविद्यालय दी 15मीं स्थापना दिवस समारोह च बी हिस्सा लेंगन ते ब्लू फ्लैग बीच उप्पर नौसेना दिवस समारोह ते परिचालन प्रदर्शन च बी शामिल होंगन। राष्ट्रपति होर 5 दिसम्बर गी भुवनेश्वर च ओडिशा कृषि ते प्रौद्योगिकी विश्वविद्यालय दे 40में दिक्षांत समारोह च बी हिस्सा लेंगन। 6 दिसम्बर गी राष्ट्रपति होर रायरंगपुर च छात्रें, शिक्षकें ते ग्रामीण लोकें कन्नै मलाटी ते गल्लबात करगंन।

<><><><><><>

Vice President

उपराष्ट्रपति लगदीप धनखड़ होर अज्ज इक दिने दे दौरे उप्पर मुंबई जांगन। ओह केन्द्रीय कपाह प्रौद्योगिकी अनुसंधान संस्थान दे 100में बरे पूरे होने दे स्थापना दिवस लेई आयोजत समारोह च मुख्य परौहने होंगन ते शताब्दी स्तम्भ दा बी उद्घाटन करगंन। केन्द्रीय कृषि ते करसान कल्याण मंत्री शिवराज सिंह चौहान, राज्यमंत्री रामनाथ ठाकुर, महाराष्ट्र दे राज्यपाल सी.पी.राधाकृष्णन ते होर दुइयां मन्नी परमन्नी दियां हस्तियां बी समारोह च मजूद होंगन।

<><><><><><>

Jaishankar

विदेश मंत्री डॉ. एस.जयशंकर होरें निवेश सनें सब्बने महत्वचूर्ण आर्थिक फैसले गी राष्ट्रीय सुरक्षा दे नजरियै कन्नै दिक्खे जाने दी जरूरता उप्पर जोर दित्ता। नमीं दिल्ली च भारतीय उद्योग परिसंघ साझेदारी सम्मेलन 2024 गी संबोधत करदे होई डॉ. जयशंकर होरें गलाया जे अस तेजिया कन्नै लाह ठोआने आले समें च आं। इस्सै लेई नीति निर्माताएं गी निवेश समें सब्बने आर्थिक फैसले राष्ट्रीय सुरक्षा हित्तें गी ध्यान च रक्खियै लैने लोड़चदे। उनें गलाया जे बपार च सतर्कता बरतनी लोड़चदी ऐ की जे विश्व च बपार ते बंड बिक्री दी रूपरेखा ऐसी ऐ जेह्दे च परम्परागत सावधानियां म्हेशां पर्याप्त नेई होंदी। डॉ. जयशंकर होरें गलाया जे विकास जकीनी बनाने लेई बसाह भरोसे दी सांझेदारी कन्नै कम्म करना लोड़चदा ऐ। उनें एह बी गलाया जे इनें गैह दा उद्देश्य भारत च आर्थिक मौकें गी पैदा करना ऐ। अमरीका भारत बारे गल्ल करदे विदेश मंत्री होरें गलाया जे अमरीका कन्नै भारत दा रणनीतिक मेलजोल समें कन्नै होर मजबूत होआ ऐ।

<><><><><><>

FDI-Growth

इस बरे अप्रैल थमां सितंबर दे दौरान पिछले बरे दी इस्सै अवधि दे मकाबले च देशै दे प्रत्यक्ष विदेशी निवेश एफ.डी.आई च 45 प्रतिशत दी बढ़ौतरी दर्ज कीती गई ऐ ते एह 29 अरब डालर शा मता होई गेआ ऐ। उद्योग ते बपार गी बढ़ावा देने आहले मैहकमे दे मताबक एफ. डी.आई थमां फायदा हासल करने आहले अर्थ बवस्था दे मुख्य खेत्तरें च सेवा, कम्प्यूटर, साफ्टवेयर ते हार्डवेयर, दूर संचार, आटोमोबाइल, दवाइयां ते रसायन शामिल न। एफ.डी.आई दी आमदनी दे कन्नै—कन्नै बेहतर तकनीक बी पैदा होंदी ऐ।

जुलाई थमां सितंबर तोड़ी दुई तिमाही लेई एफ.आई.डी दी आमदनी च बी पिछले माली बरे दी इससै तिमाही दे मकाबले चालू माली बरे दौरान 43 प्रतिशत दी बढ़ातरी दर्ज कीती गई ऐ ते एह 13 इशारिया 6 अरब डालर होई गई ऐ।

<><><><><><>

Mandviya

युवा मामले ते खेड़ें सरबंधी केन्द्र मंत्री मनसुख मांडविया होरें आखेआ ऐ जे खेलो इंडिया योजना च 2 खेड़ें दे 7 जहार 781 एथलीटें दी पंछान कीती गई ऐ। जिंदे च पैरा एथलीट बी शामिल न। इस योजना तैहत् खेलो इंडिया समर्थ विकास कार्यक्रम दे इक हिस्से दे रूपै च उनें एथलीटें गी जयरी सहायता प्रदान कीती जा'रदी ऐ, जेह्दे नै उनेंगी अगड़े बधने च मदद हासल करोआई जा करदी ऐ। एह्दे लेई विशेष दिशा निर्देशें ते पैमाने दे आधार पर पैरा एथलीटें समेत 21 खेड़ें थमां खडारिएं दी ताल कीती जंदी ऐ। उनें दस्सेआ जे खडारिएं गी सिखलाई—कोचिंग, खेड़ उपकरण, चिकित्सा सरबंधी सहायता ते म्हीने—म्हीने स्टाइपन यानि भत्ते दे रूपै च मदद कीती जंदी ऐ।

<><><><><><>

Pre Kabaddi

कौड़डी दी प्री—कबड़डी लीग दी खीरी गेड़ अज्जै थमां पुणे च शुरू होआ करदा ऐ, जेह्ड़ी 24 दिसम्बर तोड़ी चलगे। एलिकूनेटर ते सैमीफाइनल समेत प्ले ऑफ मकाबले 26 ते 27 गी खेड़डे जांगन जिसलै जे फाइनल मकाबला 29 दिसम्बर गी होग। अज्ज रातीं 8 बजे बैंगलुरु बुल्स दा मकाबला गुजरात जायंट्स कन्नै होग जिसलै के दूई बक्खी रातीं 9 बजे पुणे दी पल्टन ते यू—मुंबा आतने सामने होंगन।

<><><><><><>

Hockey

ओमान दे मस्कट च मर्दे दी जूनियर एशिया कप प्रतियोगिता दा सैमीफाइनल मकाबला अज्ज मजूदा वैंपियन भारत ते मलेशिया बश्कार होग। मैच रातीं साढ़े 8 बजे शुरू होग।

दूआ सैमीफानल मकाबला बह अज्ज जापान ते पाकिस्तान बश्कसा खेड्डेआ जाग। इनें दौनें
मकाबले च जेतु रौहने आलिणं टीमें बश्कार फाइनल मकाबला कल बुधवारें खेड्डेआ जाग।

<><><><><><>